

Mlo diak moureor, ng secher me a lechub eng diak a urerem e leng Coronavirus a uchul?

Te betok el dart el telael el chad el kiei er a Washington a mlo diak loureor, e smecher me a lechub eng mlo diak urerir er a loberk tia el rakt el Coronavirus (COVID-19). Nga er ngii a ngeso el sebechem kau me a telungalek er kau el melai er chelchal de nga er a chesel tial kengaol taem.



Ngak ak redemelel a melai a ngeso el kirel a chad el diak loureor?

Ng kmal beot a bo dolai a ngesou er chelechang er a state me a federal leng ngar ngii a mla mengodech er sera lomuchel el obriid tia el bekuiuiul el rakt. A lmuut el bebil er a bedengel a ngesou el mo er a rechad a uldimukl er tirkel chad el di oureor el tedobech el taem, rechad el oureor el kirel a siobai a bedengel, me a lechub eke ileakl el oureorel okiu a kontrat me a lechub eng mla mekesadel a sikang el moureor me a lechub e ke smecher. Momes el kmo kekel sebechem el ngmai a ngesou a [omo mes er a list](#).



Meng tela klungel a udoud a mo sebechek el melai?

Ng kakerous, e locha diak bo modengei a lak mrelli a babilngem el mo melai a ngesou.



Meng oingerang eak mo melai a ngesou?

Orimel kirir a rediak loureor el chad kirel a ngesou a kma el imis el ngar er klou er chelechang, ea cheldebechel el nga er a Washington Employment Security Department a kmal el meringel el oureor el orrechd er a taem el kirem. Tia kid a kmal klou a ultutelel el chais: ke mo ngmai a roki el ngesou me a ikel om blals er ngii el mo lmuut er sel sils el kau a mo terkokl el mo melai a ngesou. Meng belkul a kmo alsekum eng mlo diak el sebechem el rullii a babilngem (apply) leng mlo diak betik er a obis, me kau a di mo ngmai a ikel kirir el harau er kau er a uchelel.



E mekerang a Isekum eak mo meterob el oureor el kirek el mo omekerreu er a ta er a chad er a telungalek er ngak el COVID-19 me a lechub e tengelekek el dikea Isebechir el nga er a skuul e diak a omes er tir?

Okiu a ikal kmal mla mo betok el ngesou er chelchal el ngar ngii tia el meringel el bekoieuiul el rakt el COVID-19, eng betok a techall er a ngesou el sebechem el ngmai. Cholechotel el ngar ngii:

- Kirem el di mo ngara blim el omekerreu er a rengelekem le leng dikea lenga er a skuul el leng mla mechesimer.
- Urerem a mo mechesimer, e kau a diak el sebechem el di ngara blim e oureor.
- Ng mo diak el sebechem el mo er a urerem le orimel el mla tuobed el kmo "Dim ngara Blimiu, Mem Selebechakl" me a urerem a diak el sebechem el dim ngara blim e meruul.
- Ma temem er a ureor a mla mekesadel el COVID-19 a uchul.
- Ke di oureor el tedobech el taem el diak mredemelel a diak a diak el loureor.
- Ke di kau el oureor el kirel a siobai er a bedengem, me a lechub e kileakl el oureor e nga er a eungel a kontrat.



Ak di ngak el oureor el kirek el kirel a siobai er a bedengek e dimlak redemelel a ngesou er a uchei. Meng ngera bo kurrul er chelechang?

Rechad el oureor er a siobai er a bedengir, el ua ileakl el chad el loureor el nga er eungel a kontrat, a sebechir el melai a ngesou alsekum eng tial rakt a uchul meng di kea loureor.

Uchei er a bo moruul er a babilngem el kirel a ngesou, [download er a ikel kirem el onger me a omousbech](#), el mo ngosukau el kirel a rellel a babilngem er a ngesou me lak bol uchul el bol meioud me a lechub el bol ngar ngii a turrebetakl er ngii.



A ngesou er tia el mlo merek el rak el kirir a rechad el diak loureor a bla kuusbech. Ak dirk sebechek el mo melai a ngesou?

Ochoi, ng dirk sebechem el lmuut el melai a ngesou me a lechub eng sel techellem el kirel a ngesou a blal kemengetii el mo truich me a edei (13) el sandei.



Ngak a diak a kldmokl el babilngel el kirek el oureor. Ng sebechek el melai a ngesou?

Ng kirel ngar ngii a kengei me a llemeltem el mo oureor er a chelsel a beluu er a Merikel me bol sebechem el melai a ngesou er a rediak el loureor el chad me a ikal betok el bedengel a ngesou el mo rar diak loureor. Maleuaisei, e sel kldmokl el babier el kirel a delengcheklem a diak el ngikau er a ikal techall er a ngesou er a beluu el ua Paid Family me a Medical Leave prokuram. Alsekum,

kau a kma el meringel smecher me a lechub e ko bang a chad el ngii a kmal smecher, e tial prokuram a kma el sebechel el ngosukau. Momes a bebil er a paidleave.wa.gov me a lechub tomeftiempo.org. Tia el beluu a mla rullii a website el (coronavirus.wa.gov) el kirel tiak berkel a coronavirus el obekngel a techall er a ngesou er a chelsel tia el kengaol taem. [Ikel le blechoel el oker el uldak er a nger \(FAQs\)](#) a mo sebechel ngosukau.



Ng mekerang a bol sebechek el mo meruul er a bablingek el mo soiseb er a insurance era rechad el diak loureor?

Ngar ngii a erung el rolel: ke mo online me a lechub eng dengua. A website (esd.wa.gov) a kot el mereched el rolel e ke rullii a babilngem el kirel a ngesou el ousbech er a desktop me a lechub eng laptop computer. Sebechem el ousbech a dengua alechub a tablet, e ngdi omousbech a uaikal klekedall a nga er ngii a telkelel el mo uchul me meringel el diak le mues aikel rokui el kirem el omes. Ma bomoruul er a babilngem el kirel a ngesou e mo mekedong er a dengua el 800-318-6022.

Uchei er a obo moruul er a babilngem, em [download er a application ma list er a ikel kirem el ousbech](#).

Chelchal taem eng kmal klou a ildois er a rechad el omekedong er a dengua meng mo meringel el kau el ngoikemam sel temel a ureor ([molengit er a melengel a sikang me a tekoi](#)). Alsekum eng kora mlo meioud a babilngem, di bom modengei el kmo kemo ngmai a rokui el udoud el kirem el ngmai, el omuchel er sel sils el kau a mlo sebechem el melai a ngesou.



Ea omerell a babilngek ngera el omeruul a lulsiseb er ngii?

A okektmeklel a sebechel el mo chetituokel, me sel klou a ultutelel a mo merritel a tekoi el nga er a website e ousbech er a list er a ikel kirem el ousbech me a video me bol sebechel ngosukau. Ng betok a teletael el kirem el olfirakl, me alsekum eng diak el sebechem el ngmai a ngesou el kirel a chad el diak loureor, e lekau el loureor el tedobech el taem, koureor er a siobai er bedengem, me a lechub eng diak el sebechem el oureor e le rengelkem a mla mo diak el nga er a skuul leng chelsimer, eng kirem el mo cha ousbech er sel diak a urerem el kot me sel dimlak el kengei er kau er uchei, er a omoruul er a babilngem er a ikel bebil er a ngesou er kirir ar diak el loureor el chad (called pandemic unemployment assistance, or PUA).



E mekera a kulemolem el olfirakl a ikal betok el mengedengodecj er ngii?

A website er kemam a di lomekbeches er ngii me aikel beches el tekoi a nga er ngii. Ng dirrek el sebechem el luchesii a ngklem el kirel a ngidil ngerang el morngii el nga er a tekoi er a Merikel er a website [er tiang](#).

REVISED-01.12.21

Momes e msuub al muut el betok er a esd.wa.gov

A Employment Security Department a ta besul a techall er ngii el osiik a ureor/prokuram. A ngesou el kirel a chelitechetul a bedengul a chad me a bebil er a ngesou a nga er ngii el sebeched el ngmai el uluiil er a ongit el kirir a rechad el nga er ngii a chelitechetul a bedengir. A ngesou er a omeleko el kirir a re nga er ngii a telkelel a klemedengei er tir er a tekoi er a Merikel a nga er ngii el diak locheraol. A Washington a Nga er Ngii a Dengua el Kirir a Remeiko me a Remechad el Sebechir el Ousbech er Ngii: 71 1



**Employment
Security
Department**
WASHINGTON STATE